

ერთის მხრივ, ა(ა)იპ „ქალაქ რუსთავის საბავშვო ბაგა-ბაღების გაერთიანება“ (შემდგომში შემსყიდველი) წარმოდგენილი მისი დირექტორის ეკატერინა ხუციშვილის სახით და მეორეს მხრივ „მკს ბადა“ (შემდგომში მიმწოდებელი) წარმოდგენილი მისი დირექტორის დავით ძულიაშვილის სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, **NAT220014371** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში ხელშეკრულება) შემდეგზე:

1. შესყიდვის ობიექტი

- 1.1. წინამდებარე ხელშეკრულების შესყიდვის ობიექტია საქონლის ხორცი (შემდგომში საქონელი) - (CPV15111100) **NAT220014371** ელექტრონული ტენდერის სატენდერო პირობებისა და მიმწოდებლის სატენდერო წინადადების შესაბამისად.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 155654,98 (ას ორმოცდათხუთმეტი ათას ექვსას ორმოცდათოთხმეტი ლარი და 98 თეთრი) ლარს დღგ-ს გარეშე, დანართი №1-ის შესაბამისად;
- 2.2. ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, მ.შ. ტრანსპორტირების ხარჯს.

3. ანგარიშსწორება

- 3.1. მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში;
- 3.2. ანგარიშსწორება განხორციელდება ნაერთი მიღება-ჩაბარების აქტის საფუძველზე გაფორმებიდან/ წარმოდგენიდან 10 (ათი) სამუშაო დღეში;
- 3.3. წინასწარი ანგარიშსწორება არ გამოიყენება.

4. საქონლის მიწოდების ვადა, პირობები და ადგილი

- 4.1. მიწოდების ვადა: საქონლის მიწოდება განხორციელდება ეტაპობრივად, 2022 წლის 01 სექტემბრიდან - 2022 წლის 31 დეკემბრის ჩათვლით, შემსყიდველის მოთხოვნის შესაბამისად;
- 4.2. საქონლის ხორცი დაკლული და დამუშავებული უნდა იყოს სასაკლაოს მიერ;
- 4.3. საქონლის ხორცი დაფასოებული, შეფუთული (თავდახურულ კონტეინერებში), გაყინული და სათანადოდ ეტიკეტირებული უნდა იყოს მიმწოდებლის მიერ;
- 4.4. სხვადასხვა საქონლის დამუშავების შემთხვევაში, ხორცი დაფასოებული უნდა იყოს ცალ-ცალკე;
- 4.5. ეტიკეტზე მითითებული უნდა იყოს: ვარგისიანობის ვადა, დაკვლის, დამუშავების, გაყინვის დრო და ტემპერატურა. ასევე მითითებული უნდა იყოს ყველა სავალდებულო ჩანაწერი მ.შ. საქონლის სანომრე ნიშანი, რომლითაც მოხდება იდენტიფიცირება ვეტერინარულ მოწმობაში (ფორმა №2) დაფიქსირებულ საქონელსა და დაფასოებულ ხორცს შორის;
- 4.6. ცალკეული ლოკაციებისათვის საჭირო რაოდენობების მიხედვით საქონლის ხორცი დაფასოებული უნდა იყოს 0,5; 1 და 2 კგ-იანი შეფუთვებით;
- 4.7. შენახვის ვადა მიწოდებიდან არანაკლებ 1 თვე;
- 4.8. საქონლის ხორცის ყოველ მოწოდებულ პარტიას თან უნდა ახლდეს საქართველოს კანონმდებლობით განსაზღვრული შესაბამისი ვეტერინარული მოწმობა - ფორმა №2 (გაცემული სასაკლაოს მიერ);
- 4.9. ტრანსპორტირება უნდა განხორციელდეს სპეციალიზირებული მანქანა-რეფრეჟერატორით (მაცივარი) შესაბამისი ტემპერატურული რეჟიმის დაცვით;
- 4.10. სურსათის უვნებლობა, ხარისხი, ეტიკეტირება, შეფუთვა და ტრანსპორტირების პირობები უნდა აკმაყოფილებდეს საქართველოს კანონმდებლობით დადგენილ მოთხოვნებს და მოქმედ სტანდარტებს;

- 4.11. მისაწოდებელი საქონლის რაოდენობები წარმოადგენს საორიენტაციო ციფრს, რომლის ფარგლებშიც და საჭიროების მიხედვით მოხდება შემსყიდველის მიერ მიმწოდებლისათვის შეკვეთის წარდგენა. შესაბამისად, შემსყიდველი ვალდებული არ არის სრულად აითვისოს დანართებით გათვალისწინებული საქონლის რაოდენობა;
- 4.12. საქონლის დარიგება, ცალკეულ ლოკაციებზე, მიმწოდებელმა უნდა უზრუნველყოს კვირაში ერთხელ ან ორჯერ, შემსყიდველის მოთხოვნის შესაბამისად - 09:00 სთ-დან 17:00 სთ-მდე;
- 4.13. წერილობითი მოთხოვნა დასარიგებელი საქონლის რაოდენობაზე მიმწოდებელს გაეგზავნება ელექტრონულად, არაუგვიანეს დარიგების წინა დღის 13:00 საათისა;
- 4.14. მიწოდების ადგილი: საქონლის მიწოდება განხორციელდება გაერთიანების 23 (ოცდასამი) ფილიალში, დანართი №3-ის შესაბამისად.

5. შესყიდვის ობიექტის მიღება-ჩაბარების წესი

- 5.1. თვის განმავლობაში ეტაპობრივად მიწოდებული საქონლის მიღება განხორციელდება სასაქონლო ზედნადებისა და მხარეთა შორის გაფორმებული მიღება-ჩაბარების აქტის საფუძველზე;
- 5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირები: შესაბამისი ფილიალის გამგე, მენეჯერი, სამეურნეო ნაწილის გამგე და მედდა;
- 5.3. საანგარიშო თვის ბოლოს 5.1. პუნქტში მითითებული დოკუმენტაციის (მიღება-ჩაბარების აქტები და სასაქონლო ზედნადებები მ. შ. კორექტირებული) საფუძველზე მხარეთა შორის ფორმდება ნაერთი მიღება-ჩაბარების აქტი;
- 5.4. გამონაკლის შემთხვევაში, მხარეთა ურთიერთშეთანხმებით, შესაძლებელია საანგარიშო თვის განმავლობაში ნაერთი მიღება-ჩაბარების აქტის ორ ეტაპად გაფორმება.

6. მხარეთა უფლება-მოვალეობები

- 6.1. შემსყიდველი ვალდებულია:
 - ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები,
 - ბ) ხელშეკრულებით გათვალისწინებული საქონლის მიწოდებისას საქმის კურსში დროულად ჩააყენოს მიმწოდებელი ყველა განსაკუთრებული გარემოებების წარმოშობისას,
 - გ) ხელშეკრულების პირობების გათვალისწინებით აუნაზღაუროს მიმწოდებელს მიწოდებული საქონლის ღირებულება.
- 6.2. შემსყიდველი უფლებამოსილია:
 - ა) ხელშეკრულების მიმდინარეობის ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე,
 - ბ) საკუთარი შეხედულებისამებრ საქონლის ნებისმიერი პარტიის მიწოდებისას მიმწოდებლის თანდასწრებით დამატებითი კვლევისათვის მოახდინოს ნიმუშის აღება-დალუქვა და შესაბამის კომპეტენტურ ორგანოში ლაბორატორიული კვლევისათვის გადაგზავნა. უარყოფითი დასკვნისა და გამოვლენილი დარღვევების შემთხვევაში უარი განაცხადოს მთლიანი პარტიის მიღებასა და ანაზღაურებაზე, ხოლო მიმწოდებელს დააკისროს პირგასამტეხლო და ყველა ხარჯის ანაზღაურება, რომელიც გამოწვეული იქნება წუნდებული და საკვებად უვარგისი საქონლის მიწოდებისაგან.
- 6.3. მიმწოდებელი ვალდებულია:
 - ა) დროულად და კეთილსინდისიერად შეასრულოს ხელშეკრულებით ნაკისრი ვალდებულება,
 - ბ) ფაქტიურად მიწოდებული საქონლის და გაფორმებული მიღება-ჩაბარების აქტის შესაბამისად, არაუგვიანეს მომდევნო სამუშაო დღისა დააკორექტიროს სასაქონლო ზედნადებები.
- 6.4. მიმწოდებელი უფლებამოსილია:
 - ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობების დაცვით.

7. ხელშეკრულებით ნაკისრი ვალდებულებების შესრულების კონტროლი

- 7.1. ხელშეკრულებით ნაკისრი ვალდებულებების შესრულების კონტროლს (ინსპექტირება) განახორციელებენ გაერთიანების კვებისა და სანიტარული ნორმების ინსპექტირების განყოფილება, განყოფილების უფროსის სახით და ხარისხის კონტროლის ჯგუფი, ჯგუფის უფროსის სახით;
- 7.2. ინსპექტირების გამწევის ფუნქციებია:
- ა) მიმწოდებლის მიერ მიწოდებული საქონლის ხელშეკრულების პირობებთან შესაბამისობის დადგენის მიზნით სათანადო კონტროლისა და ზედამხედველობის განხორციელება,
 - ბ) მიმწოდებელთან ანგარიშსწორების პროცესის რეგულირება,
 - გ) ინსპექტირების გამწევი პირი გამოვლენილ ხარვეზებსა და ნაკლოვანებებს აფიქსირებს ოქმით.
- 7.3. ხელშეკრულებით ნაკისრი ვალდებულებების შესრულებისას გამოვლენილი ყველა ხარვეზისა და ნაკლოვანებების გამოსწორება ხდება მიმწოდებლის მიერ საკუთარი ხარჯებით.

8. ხელშეკრულების პირობების შეუსრულებლობა

- 8.1. საქონლის მიწოდების პირობებისა და ვადების, მ.შ. სასაქონლო ზედნადებების დაკორექტირების ვადების დარღვევის შემთხვევაში მიმწოდებელს დაეკისრება პირგასამტეხლო. პირგასამტეხლოს დაანგარიშება მოხდება:
- ა) საქონლის მიწოდების პირობებისა და ვადების დარღვევის შემთხვევაში ერთჯერადად, დარღვევების ყოველ დღეზე, ხელშეკრულების ჯამური ღირებულების 0,1%-ს ოდენობით;
 - ბ) სასაქონლო ზედნადებების დაკორექტირების ვადების დარღვევის შემთხვევაში ყოველ ვადაგადაცილებულ დღეზე დასაკორექტირებელი, ფაქტიურად მიწოდებული საქონლის ღირებულების 0,1%-ს ოდენობით.
- 8.2. იმ შემთხვევაში, თუ დაკისრებული პირგასამტეხლოს ჯამური ღირებულება გადააჭარბებს ხელშეკრულების ჯამური ღირებულების 1%-ს შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 8.3. წინამდებარე ხელშეკრულებით გათვალისწინებული ანგარიშსწორების ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის 0,1%-ის ოდენობით;
- 8.4. მხარე ვალდებულია, მეორე მხარის მოთხოვნისთანავე გადაიხადოს დაკისრებული პირგასამტეხლო, მოთხოვნის მიღებიდან არაუგვიანეს 5 (ხუთი) სამუშაო დღეში;
- 8.5. ამ მუხლის 8.1. პუნქტის საფუძველზე, მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს მიწოდებული საქონლის ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად;
- 8.6. პირგასამტეხლოს გადახდა არ ათავისუფლებს მიმწოდებელს ძირითადი ვალდებულების შესრულებისაგან.

9. დაუძლეველი ძალა

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან;
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით ურთიერთშეთანხმების საფუძველზე;
- 10.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით;
- 10.3. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;
- 10.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%- ზე მეტი ოდენობით გაზრდა;
- 10.5. ხელშეკრულების ერთ-ერთი მხარის მიერ ნაკისრი ვალდებულებების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 10.6. მხარე ვალდებულია 10.5. პუნქტით გათვალისწინებული გადაწყვეტილების მიღების განზრახვის შესახებ არანაკლებ 3 (სამი) კალენდარული დღით ადრე წერილობით, ან კომუნიკაციის ელექტრონული საშუალების გამოყენებით აცნობოს მეორე მხარეს;
- 10.7. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. სადაო საკითხების გადაწყვეტა

- 11.1. წამოჭრილი დავები შესაძლებელია გადაწყვეტილ იქნას ერთობლივი მოლაპარაკების საფუძველზე;
- 11.2. შეთანხმების მიუღწევლობის შემთხვევაში დავების გადასაწყვეტად მხარეებს უფლება აქვთ მიმართონ სასამართლოს საქართველოს მოქმედი კანონმდებლობის წესით.

12. ხელშეკრულების მოქმედების ვადა

- 12.1. ხელშეკრულება ძალაში შედის 2022 წლის 17 აგვისტოდან და მოქმედებს 2023 წლის 31 იანვრის ჩათვლით.

შემსყიდველი

ა(ა)იპ „ქალაქ რუსთავის საბავშვო ბაგა-ბაღების გაერთიანება“
მის: ქ. რუსთავი, კოსტავას გამზ. № 20-
ს/კ 216439325
სახელმწიფო ხაზინა
ბანკის კოდი: TRESGE22
ა/ა GE24NB0330100200165022
დირექტორი
ეკატერინა ხუციშვილი

მიმწოდებელი

„შპს ბადა“
მის: თეთრიწყაროს რაიონი, სოფ ბორბალო
ს/კ: 430799335
საქართველოს ბანკი
ბანკის კოდი: BAGAGE22
ა/ა GE24BG0000000609861300
დირექტორი
დავით ძულიაშვილი

ფასების ცხრილი

№	საქონლის დასახელება	გან-ბა	რ-ბა	ერთ. ფასი დღგ-ს გარეშე	სულ ფასი დღგ-ს გარეშე
1	2	3	4	5	6
1	საქონლის ხორცი	კგ	10147	15,34	155654,98

პრეტენდენტის დასახელება -----შპს "ბადა"-----

ფასების ცხრილი

№	საქონლის დასახელება	გან-ბა	რაოდენობა			ერთ. ფასი დღგ-ს გარეშე	სულ ფასი დღგ-ს გარეშე
			სულ	მათ შორის			
				გაერთიანება	ცენტრი		
1	2	3	4	5	6	7	8
1	საქონლის ხორცი	კგ	10247	10147	100	15.34	157188.98

შპს"ბადა"-ს
დირექტორი:

დავითი ძულიაშვილი

ინფორმაცია წარმოშობის წყაროსთან და სასაკლავოსთან დაკავშირებით

პრეტენდენტის დასახელება -----შპს "ბადა" -----

№	საქონლის დასახელება	წარმოშობის ქვეყანა	სასაკლავოს (ერთი ან რამოდენიმე) დასახელება, საიდენტიფიკაციო კოდი, იურიდიული/ფაქტობრივი მისამართი
1	2	3	4
1	საქონლის ხორცი	საქართველო	შპს "ალალი2021" ს/კ 434179042 იურიდიული მისამართი: საქართველო, მარნეულის რაიონი, ს. წერეთელი, გ. სააკაძის I შეს., N 3

შპს"ბადა"-ს
დირექტორი:

დავითი ძულიაშვილი

საქონლის მიწოდების ადგილი - გაერთიანების ფილიალები

№	მიწოდების ადგილი
1	ფილიალი №1_კონსტიტუციის ქ. №5ა
2	ფილიალი №6_დონეცკ-მეტალ.ქ.№20
3	ფილიალი №8_რუსთაველის გას.№22ა
4	ფილიალი №10_ცურტაველის ქ. № 2ა
5	ფილიალი №11_მაჩაბელის ქ.№ 21
6	ფილიალი №17_თოდრიას I ჩიხი
7	ფილიალი №18_ფალიაშვილის ქ.№ 7
8	ფილიალი №20_კლდიაშვილის ქ.№8
9	ფილიალი№21_კოსტავას ქ.№17 ა
10	ფილიალი №22_თოდრიას III ჩიხი №7ა
11	ფილიალი №23_ცხრა ძმა ხერხეულიძის №7
12	ფილიალი №25_ახმეტელის ქ. №8
13	ფილიალი №27_მესხიშვილის III გას. №4ა
14	ფილიალი №31_XX მ/რ-ნი
15	ფილიალი №32_XXI მ/რ-ნი
16	ფილიალი №33_XXI მ/რ-ნი
17	ფილიალი №34_VIII მ/რ-ნი
18	ფილიალი №36_XII მ/რ-ნი
19	ფილიალი №37_XVI მ/რ-ნი
20	ფილიალი №40_XVII მ/რ-ნი
21	ფილიალი №41_ტოლსტოის ქ.№2
22	ფილიალი №43_XIX მ/რ-ნი
23	ფილიალი №44_სარაჯიშვილის ქ. №10